

豫章叢書

第八冊

二卷目錄

陰病論

論辨中寒證要法五條

論治中寒病用藥八難

論朱丹谿述中寒二條

論戴元禮述中寒一條

中寒色脉六則

律三條

比類傷寒論陽虛陰盛治法并死證三十一則

比類金匱論水寒五則

比類金匱論胃寒四則

比類金匱論胸腹寒痛十七則

比類金匱論虛寒下利六則

醫門法律卷二

西昌喻 昌嘉言父著

中寒門

論一首 法十三條  
律三條 比類法六十九條

風寒暑濕燥火六氣分配手足各六經百病之生  
莫不繇之軒岐論列要在於此然原始上古經文  
先師儼季貸所傳每思洪荒初闢結繩紀事書從  
何來豈光音天化生世界蚤有天醫降下乎抑仰  
求大自在天而得之乎然則醫藥者上天之載也  
窮理盡性至命首推醫學矣去古漸遠無階可升  
日取內經讀之其端緒或有或無有者可求無者

將何求耶君相二火及燥氣未曾深及卽寒之一  
氣賴先聖張仲景推演傷寒中寒爲二論不知中  
寒論何以不入金匱之藏至晉初卽無可搜求并  
其弟子衛沈四逆三部脈經亦亡從未有老醫宿  
學記載一語晉人之淺於譚醫豈待問哉設使晉  
代仙醫許旌陽葛稚川之流仰迺丹臺紫府大自  
在天之藏得其原論亦未必爲當世之所好矣昌  
旣尙論傷寒論不揣凡駑竊欲擬議仲景傳世之  
文以窺見不傳之一班後及內經之風熱暑濕并  
燥火缺略百病傳訛綿力任重老而不休志非不

苦但以從不見聞之說定爲率由坦道按劍而詔  
不祥在所不免然十百中豈無二三知己取其大  
關略其小失乎見爲是者因其是暢發奧旨見爲  
非者因其非另豎偉議總不肯安上世至今相沿  
之黷汶而必欲耀之光明有仲景表章內經於前  
有諸君子表章內經金匱於後昌於後輩中如雜  
劇登場漫引其端要不謂非箇中人物也且昌數  
十載磨礱誠求纔脫凡身必承提命此番公案尙  
有待於再來云

陰病論

喻昌曰太極動而生陽靜而生陰陽動而不息陰靜而有常二氣交而人生二氣分而人死二氣偏而病起二氣乖而病篤聖神憂之設爲醫藥調其偏駁使歸和平而民壽已永觀於生氣通天論中論人身陽氣如天之與日失其所則折壽而不彰是雖不言陰病而陰病之機宛然可識但三皇之世如春陽和司令陰靜不擾所以內經凡言陰病但啟其端弗竟其說厥後國政乖詘陽舒變爲陰慘天之陽氣閉塞地之陰氣冒明冒明者以陰濁而冒蔽陽明也百川沸騰山冢萃崩高岸爲谷深谷爲陵詩言之矣民病因

之橫天宏多究莫識其所以橫天之故漢末張仲景  
著傷寒論十卷治傳經陽病著卒病論六卷治暴卒  
陰病生民不幸卒病論當世卽已失傳豈非其時賢  
士大夫莫能深維其義金匱玉函置而弗收其流布  
民間者悉罹兵火之厄耶仲景已後英賢輩出從未  
有關揚其烈者惟韓祗和於中寒一門微有發明誨  
人以用附子乾薑爲急亦可謂仲景之徒矣然自有  
醫藥以來祗道其常仲景兼言其變咤而按劍勢所  
必至越千百年祗和草澤一家之言已不似仲景登  
高之呼況有丹溪節齋諸縉紳先生多主貴陰賤陽

立說曰陽道饒陰道乏曰陽常有餘陰常不足由陰  
氣難成易虧故早衰製爲補陰等丸時重乎陰時非  
至理第於此道依樣葫蘆未具隻眼然世醫莫不奉  
以爲宗即使卒病論傳之至今亦與傷寒論同其條  
條汶汶也已嗟乎化日舒長太平有象亂離愁慘殺  
運繁興救時者儻以貴陰賤陽爲政教必國非其國  
治病者倘以貴陰賤陽爲藥石必治乖其治矣豈通  
論哉昌尚論仲景傷寒論於凡陰病見端當以回陽  
爲急者一一表之吾門已駸駸知所先矣今欲并度  
金鍼暢言底裏易云通乎晝夜之道而知夫晝爲陽

羣陰莫不潛伏夜爲陰羣陰得以現形諸鬼爲之夜  
食一切山精水怪揚氛吐穢伎倆無窮比雞鳴則盡  
隱矣蓋雞鳴夜雖未央而時則爲天之陽也天之陽  
開故長夜不至漫漫而將旦也陰病之不可方物此  
見一斑而誰爲燃犀之照也哉佛說四百四病地水  
火風各居百一是則四百四病皆爲陰病矣夫水火  
木金土在天成象在地成形原不獨疇於陰然而五  
形皆附地而起水附於地而水中有火火中有風人  
所以假合成身身所以相因致病率稟四者金性堅  
剛不受和合故四大惟金不與證無生者必修西方

佛土有繇然也世人但知地氣靜而不擾偶見地動便駭爲異不知地氣小動則爲災肯大動則爲劫厄劫厄之來天地萬物凡屬有形同歸於壞然地氣有時大動而世界得不速壞者則以玄天眞武坐鎮北方攝伏龍蛇不使起陸以故地動而水不動水不動而水中之火火中之風自不動也仲景於陰盛亡陽之證必用眞武湯以救逆者非以此乎至於戊亥混茫亦非天翻地覆互相混也天原不混於地迺地氣加天而混之耳蓋地水火風四輪同時轟轉雷礫冲射之威千百億道震盪於五天之中頃之攪毀太空

混爲一區而父母所生血肉之軀其陰病之慘烈又  
當何如禪宗有白浪滔天劫火洞然大千俱壞等語  
豈非四大解散之時實有此象乎究竟地氣之加於  
天者止加於欲界色界等天不能加於無色界天所  
以上八景中忉利天宮萬聖朝眞兜率內院諸天聽  
法各各身除中陰頂現圓光由此直接非想非非想  
天而入佛界法界觀大千世界若掌中一果矣更何  
劫運可加之耶劫運所加之天至予而開陰氣下面  
高覆始露至丑而陰氣盡返於地而太空始廓兩儀  
分奠厥位日月星辰麗乎天華嶽河海附于地五天

之氣散佈於列曜九地之氣會通乎山澤以清以寧  
日大曰廣庶類以漸萌生而天界隙中所餘暴悍濁  
陰動輒綿亘千萬丈排空直墜摧殘所生靡有孑遺  
天開地闢以後陰慘餘殃尙若此其可畏必至寅而  
駁劣悉返冲和天光下濟地德上承名木嘉卉纍纍  
垂實光音天人下食其果不復昇舉因得施生乃至  
繁衍而成天地人之三界也此義關係人身性命病  
機安危最宏最鉅儒者且置爲不論不議醫者更蔑  
聞矣昌每見病者陰邪橫發上千清道必顯畏寒腹  
痛下利上嚔自汗淋漓肉瞤筋惕等證卽忙把住關

門行真武坐鎮之法不使龍雷升騰霄漢一遵仲景  
已傳之祕其人獲安倘失此不治項之濁陰從胸而  
上入者咽喉腫痺舌脹睛突濁陰從背而上入者頸  
筋麓大頭項若冰轉盼渾身青紫而死謂非地氣加  
天之劫厄乎惟是陡進附子乾薑純陽之藥亟驅陰  
邪下從陰竅而出非與迅掃濁陰之氣還返地界同  
義乎然必盡驅陽隙之陰不使少留乃得功收再造  
非與一洗天界餘氛俾返冲和同義乎會仲景意中  
之法行之三十年治經百人凡遇藥到莫不生全雖  
曰一時之權宜卽擬爲經常之正法可也醫學缺此

誠爲漏義謹立鄙論以開其端後有作者出其廣大精微之蘊是編或有可採云爾

卒中寒者陽微陰盛最危最急之候經曰陰盛生內寒因厥氣上逆寒氣積於胸中而不泄不泄則溫氣去寒獨留留則血凝血凝則脉不通其脉盛大以清故中寒內經之言若此今欲會仲景表章內經之意數陳一二敢辭饒舌乎

經旣言陰盛生內寒矣又言故中寒者豈非內寒先生外寒後中之耶經旣言血凝脉不通矣又言其脉盛大以濇者豈非以外寒中故脉盛大血脉閉故脉

濟耶此中伏有大疑請光明之一者人身衛外之陽最固太陽衛身之背陽明衛身之前少陽衛身之兩側今不繇三陽而直中少陰豈是從天而下蓋厥氣上逆積於胸中則胃寒胃寒則口食寒物鼻吸寒氣皆得入胃腎者胃之關也外寒斬關直入少陰腎藏故曰中寒也此內經所隱而未言者也一者其脉盛大以瀆雖曰中寒尙非卒病卒病中寒其脉必微蓋內經統言傷寒中寒之脉故曰盛大以瀆仲景以傷寒爲熱病中寒爲寒病分別言之傷寒之脉大要以大浮數動滑爲陽沈瀆弱弦微爲陰陽病而見陰脉

且主死況陰病卒急必無反見陽脉之理若只盛大以瀉二陽一陰亦何卒急之有哉此亦內經所隱而難窺者也

再推仲景以沈瀆弱弦微爲陰脉矣其傷寒傳入少陰經則曰脉微細今寒中少陰又必但言脉微不言細矣蓋微者陽之微也細者陰之細也寒邪傳腎其亡陽亡陰尙未可定至中寒則但有亡陽而無亡陰故知其脉必不細也若果見細脉則其陰先已內虧何繇而反盛耶

在傷寒證惟少陰有微脉他經則無其太陽膀胱爲